

• salus, quemadmodum existimamus vobis cara est, ut vestris con-
• scientiis quandoquidem in non mediocri aliquo discrimine, sed
• in summo salutis vestrae periculo versamini, quamprimum con-
• sulatis; et nihilominus si monitis et requisitionibus hisce nostris,
• ut debetis, non obtemperaveritis, nobisque dicto audientes non
• eritis, vobis omnibus et singulis auctoritate beatorum apostolo-
• rum Petri et Pauli et nostra, in virtute sanctae obbedientiae, et
• sub divini interminatione iudicii, ac sub excommunicationis latae
• sententiae eo ipso incurrenda poena districtè percipienda man-
• damus, ut huiusmodi decreta et edicta a maioribus vestris eo a
• vobis hactenus edita, extensa, et promulgata ac omnia in illis
• contenta et inde secuta quaecumque revocetis, et ex vestris ar-
• chiviis, seu capitularibus, locis, et libris, in quibus adnotata re-
• periuntur, deleri et aboleri, et deleta atque abolita esse per uni-
• versum dominium vestrum nuntietis, ac nos de revocatione
• huiusmodi certiores faciatis; quod si haec quoque mandata no-
• stra (quod minime credimus) neglexeritis, maximo nostro
• dolore nobisque plane renuentibus et invitis vim imponetis, ut
• postquam venerabilis frater Horatius episcopus Hieracensis no-
• ster et apostolicae Sedis apud vos nuntius, per quem has nostras
• literas vobis reddi voluimus, de earum praesentatione per eum
• facta nos certiores fecerit, cui plenam et indubitatam fidem ha-
• bebimus, contra vos in praemissis juxta sacrorum canonum
• dispositione ad ecclesiastici interdicti in toto dominio vestro
• aliarumque poenarum, quas supra commemoravimus, executio-
• nem, nec non ad quaecumque alia juris remedia deveniamus;
• quo casu absque alia citatione procedemus, cum praetermissio
• officii nostri, et causae ecclesiae desertae a nobis rationem ex-
• tremo iudicii die exigi a Deo nullo modo velimus. Neque enim
• existimetis, nos (qui alioquin pacis et quietis publicae cupidis-
• simi sumus, omnesque nostros cogitatus eo intendimus, ut soli
• Deo inservientes rem christianam quantum possumus pacate
• gubernemus, quique omnium animos, praesertim maximorum